



蟻螿集卷之五



黎陽盧 柁次梗著

同邑孟華平明瑞校

濟南張其忠伯蓋梓

雜體詩

伏雨嘆二首

陰陽薄盪雷雨急江峽出雲溪夜喧烟霏似與
秋色遠黃鵠垂翅愁飛翻九壘溷穢不可住晞
髮陽阿阻煙霧東走豈應還問津回頭變化空

葉樹

山雨下澍白紛紛憑高莫辯牛馬群江寒自駭
碣石浪日暮猶合蒼梧雲破厨濫釜煙水黑玉
盤金鯉無消息直欲上天叫帝閭閭闔九重恐
顛踣

史平臺夜宴詞

漢史玄以宣帝大母家封為侯於外家親居
多得賞賜簪貂珥世寵溢內外明浮丘山人
作史平臺夜宴詞

高堂膩燭嬌紅春麝爐掣鎖銀麒麟掌中舞袖
回金縷背後落花覆錦茵夜半歌鐘起洞房繡
羅香暖對鴛鴦旋徵玉鳳排箏譜復弄梅花近
笛牀繡額紅衿真媚嫵隔簾彷彿調鸚鵡喚回
滿座鬱金香鮮鯽銀絲出翠釜雞人夜唱銅龍
馮內監忽傳進挈馬絳綃雙引貂襜褕長秋門
前馬不下北風吹山海水移世人見此復汨垂
寶玦香車俱莫嘆金掌仙人已辭漢

苦寒吟

北風怒號河水折鑿冰慘淡鮫人窟琉璃應手
忽破碎天吳回首蛟龍血錦鱗撥刺入豪門
刀玉釜飛紅雪馮誰夜坐食無魚彈鋏高歌氣
未舒方袍着凍冷如鉄嘯嘯霜霰攢兩眉星火
不燃寒欲死皮筋肉裂老無齒誰能醉解驪驢
裘別有樵家會戚里苦寒吟苦寒之吟不可聞
古來傑士多餓死何必垂首涕交紛

杜鵑行

杜鵑西飛隴水西羽毛搖落隨山雞雲空萬里

不得去藤蘿掩靄青烟梯當行鷓鴣向我笑鳳
凰不與同羈棲舊日同林鳶與鷓鴣怒目炯視秋
水畦東海汗湯稀有鳥尋我三年窮路迷知是
杜鵑向我拜血泪不覺滿面啼口不能言臆相
向似欲遠引凌崐谿四郊翠且夕隱壘獵火燒
天喧鼓鼙寄語燕山胡鴈婦慎勿往恐穿金錦

快鵲行贈盧潭城宗弟

快鵲快鵲南山擊鳥北山灑血朝簇秦隴暮宿
荆越凌厲橫視遊翔恍惚蜩鳩搶飛榆枋間伴

面血視無好顏人生得意且快鷓何用悠之長
閉關翟公昔在蓬蒿下萬里清風減高價君今
慷慨躡長雲藉之芳聲四海聞楊雄欲獻河東
賦司馬先傳喻蜀文醉吟快鷓行醒啣快鷓羽
願君化作天池鵬莫學快鷓棲巖樹

黃利黃謠

黃利黃之利黃之河岸上洗衣裳黃河流水鳴
湯之幾時流到我家鄉

次童謠

山東綺雲雞刷羽來山西到處潛飲啄河梁借
鷓棲江鷓野鷓欺予客怒目血鷓動相扼紫翎
蹉跌金距愁碧葉輕翻香稻秋不如折翅歸故
鄉五更明月啼山丘

壚岷謠呈張壚山明府

朝乘五嶽鶴暮望十洲雲尋山不厭壚岷遠笑
謁壚岷入紫氛壚岷名嶽天下聞巴江前繞接
氤氳翠屏峽巖斜軋幾萬丈玄猿夜嘯臨江濱
馮夷水仙何超忽凌風起舞壚岷月蒼藤駭羽謁

看不見欲上壚岷苔徑滑昔聞天台山峒嶢摩
天關赤城起霜色王喬時來還洞天已與壚岷
別為說壚岷生汗顏壚岷謠且遠仙茅千載
留靈根玉葉金葩待君飯君意詎可論恍若岷
山源瀟澗赴溟海聊可比君恩生來未識壚岷
路此身幾日登壚岷壚岷謠未已早晚化為
壚岷原上之青松常倚壚岷望江水

芒履謠

蒲葉青蒲花黃為君採纈結成雙隨君步履入

屨廊苧羅山下君不返恨殺吳王輦路長

修武行贈李主簿

君不見修武城邊日欲暮西望岵嶢漢京路驛
樓閣道迥連雲花嶽葉潭車馬駐車馬駐聽修
武歌裊々秋風度黃河客懷衣上霸陵雨鄉思
夢繞新豐蘿乘時小作修武尉披襟霽々流仙
氣自言節操凌南山直使風聲排趙魏使君稅
駕是何年日飲醇醪高枕眠山鳥隔簾下廳事
對客髣髴鳴寒絃城頭角聲星滿野城門落花

隨去馬谿澗荒前留使君天風繫馬棠陰下父
老垂涕前致詞使君到來人不知今年詔書蠲
租稅湏臾還見承平時憶昔少年為君舞共憐
修武西山樹即今望樹復憶君悵嘆雲霄歌修
武

信陵亭行贈張幕史

昔聞貴公子乃是信陵君劍氣連秋水英風萬
長雲堂中愛養三千士玉袍珠履何繽紛信陵
一去幾千載堂中今無一人在空餘城裏信陵

亭日見黃河走東海信陵亭右送飛鴻豪士若
誰張長公虬髯瀟灑眼如電論吐何啻垂天虹
身騎宛馬銑花馳霜蹄決裂耳生風四顧已無
南海尉一心要滅黑山戎朝發夷梁津暮宿黎
陽渚軒蓋狹廣路翩：皆龍舉春風澹蕩吹羅
帷宛如淶水蓮花池異代風流今有此若問信
陵那可知

樂府

出自薊北門行

翻：羽林兒少學龍虎韜旂力過貴育英風擁
行旌展藝萬人誰上馬盤弓發怒揮魯陽戈倒
刺寒潭蛟腰縣繁弱弓仰射太行獠北出鴈門
塞從軍樹奇勞占纒李輕車應募霍嫖姚羽檄
動邊序烽火無昏朝分兵救廣武轉戰龍城郊
投鞭瀚海渾結陣陰山高朝擒左賢王暮擣單
于巢拓塞亘萬里奪旗列千遭胡霜飛玉關漢
月照銀袍疾風影雲旂黃沙驚馬鏹天寒角筋
勁墮指如翦蒿豈不懷金閨畏此簡書遙仗義

報明主殺身誠足要

前有樽酒行

春風吹水搖綠波春日輝：上翠峩悠：簾幕
捲芳草細：落花嬌綺羅胡姬嫵婉顰青蛾促
絃急柱為君歌海水東流逝不返君今不飲可
奈何

子夜吳歌

燕花敷錦繡楚舞醉羅裙明月空悲妾白雲常
似君不知遼海上書信幾時聞

古別離

鏡臺倚新粧羞復畫娥黃羅衣蕩顏色落花空
故香登高望帝子蒼梧雲正長願托雙鯉魚錦
字寄沅湘

懷仙歌五首

崑崙山勢倚天嵬弱水千年四下迴花開王母
三桃樹雲擁周王八駿來

蓬海城高十二樓金銀花發近仙洲玉童贈興
青藜杖天女邀乘白鹿遊

綠髮雙鬟白羽裳眇無人識自騎羊宜時背癢
尋仙侶願借麻姑指瓜長

丹崖石壁渺冥冥鳳嘯鸞歌狎廣庭王子吹笙
應有待相思遙寄赤松苓

玉樹長攀有所思仙人遙在海之湄木公醉飲
千鍾酒瑤姬齊唱萬年詞

碣石篇

蓬萊東望橫海水白波如山幾萬里巖前琪樹
發葱青遙見仙人綵雲裡麻姑欲過來何遲手

把青都綠玉枝願將此物寄南嶽相逢重獻萬
年詞

隴水曲

隴山當面起隴水向西流中含妾墮泪幾日到

涼州

涼州樂

月氏穹廬夜秋風起暮笳胡星沒雁塞漢月湧
龍沙露滴葡萄酒天寒首宿花從軍莫浪譁轉
戰屬輕車

怨歌行

長安二三月紫陌競朱輪秀色金閨婦鉛華珠
箔春綺紈續雜選鞍馬自逡巡青鳥銜瓊書飛
入赤城闥日暮荷寵歸文犀銀麒麟借問此阿
誰大國孺與秦憶昔嬌小佇蘭房刺繡五紋雙
鴛鴦星河織錦度明月天孫翦綵分雲章願將
賤軀開天笑夜逐三星宿未央未央樂事多莫
謂宜春好宮女妬蛾眉容顏日衰老君恩從此
弛棄妾青樓道青樓大道繞秦川鳳管鴛絲徹

九 天 太 液 紅 蓮 初 映 頰 瀛 洲 綠 草 已 繁 烟 妾 情
慌 惚 如 昨 日 那 知 恩 斷 韶 華 年 夢 入 彤 樓 夜 金
壺 瀉 春 水 仿 彿 接 君 歡 晤 言 竟 非 是 閭 闔 浮 雲
萬 里 遙 雲 旂 翠 葆 徒 相 邀 詎 聞 阿 嬌 貯 金 屋 枉
殺 秦 嬴 吹 玉 簫 寄 語 漢 宮 娃 莫 倚 顏 如 花 君 心
難 自 保 棄 擲 終 泥 沙 妾 容 已 自 落 倡 家 妾 心 耿
耿 凌 朝 霞 羊 車 竹 枝 待 君 御 高 唐 雲 雨 空 滛 哇
君 王 欲 較 妾 長 短 請 看 前 朝 張 麗 華

枯魚篇

枯 魚 枯 魚 爾 身 自 白 龍 誰 使 爾 為 魚 一 朝 落 泥
沙 鱗 甲 生 長 蛆 嗟 鯨 鯢 振 鬣 蒼 海 吹 嘘 三 山
簸 揚 鬼 祟 爾 罪 維 斯 死 亦 何 悔 誰 能 借 風 濤 作
書 上 天 帝 雪 此 坳 堂 冤 飛 騰 吸 雲 霓 枯 魚 枯 魚
從 此 遐 逝

折楊柳

春 思 結 楊 柳 搖 曳 金 窓 煙 東 風 澹 蕩 時 吹 落 玉
臺 前 深 閨 別 離 婦 感 此 心 淒 然 沉 吟 毀 青 黛 投
淚 謝 珠 鈿 攀 條 寄 遠 人 引 恨 碧 雲 天 微 物 豈 足

惜長懷芳樹妍

怨詩行

秦成樓荒君未還楚鄉秋早妾摧顏日寄情心
與明月相思何謝望夫山

丁督護歌

朝唵都護行暮唵都護歌都護逝不返妾當可
奈何妾年十五嫁夫君銀轂珠簾度彩雲還從
佳賓選四座刺繡鴛鴦呈次五文高堂拜姑嫜清
厨調菽水日旭供華饌禾白風動紈綺二十長子

孫雲媿滿高門頗偕伯鸞志叙此向平婚詎意
良人從逮獄幽垣無分回天矚闔門骨肉盡草
莽放室雞豚那能復桂帳蘭薰知幾時鴉鬢凋
鬢為誰綠妾身死去無處所忍向何人說衷曲
去年天使至籍錄我良人中途不得語况復能
相親今年一會面若墮烟霧身執手無別言但
訴寒與貧淹忽歲云暮已非夢寐真東家女兒
嫁商賈春去秋來不言苦何似妾懷常相思萬
恨千愁忍饑窶落葉反本根歸雲常在山君身

西廂集 卷之五
二
陷羅網經歲不復還豈唯君坎軻所恨妾命慳
妾非蔡文姬長跪解君死有女非緹縈誰能見
天子一唱都護歌再唱情轉深愁多不為牛山
哀淚下豈有雍門琴君心若知妾腸斷願化東
南填海禽

少年行二首

長安俠客多少年醉歌擊筑南山邊相逢不避
魯勾踐一夜擲盧得萬錢

又

長安俠客矜少年青驪緩步車
臺道相逢欲取胡姬憐
笑挾金丸墜飛鳥

東塘行

暮秋搖落金井煙
瑤牕月出愁無眠
請君四座且勿嘆
聽我試歌東塘篇
東塘春風樂遊冶
寶帶螭盤驕白馬
朝從狡兔上
闌東暮闌金雞長
干下儂家繡被金
錯床逢迎七十紫
鴛鴦生來孱小
無人見艷着荷花
嬌上粧錦瑟春生
鳳凰柱翠袖香凝
蛺蝶縷浮雲小
駐緩聲歌花葉驚

翻垂手舞眇眇流波媚笑顏此時恩愛比南山
那知輕薄易年少一別迢遙隔玉關儂心歷落
如秋草西風吹折江南道江雲斷盡君不來會
使蛾眉待君老東家買得錦鱗魚中有傳情尺
素書君身亦是臨江客何惜相思一字予機中
罷却流黃織為恨東塘淚霑臆寄語春陵遊俠
兒莫學東塘眉傾國

鳧墩有序

鳧墩者銅梁張壚山明府兄長公也長公父

疾且篤醫莫能愈長公引刀割左股和藥進
父病立已有司聞之表薦明浮立盧柟作鳧

墩篇

東觀岱嶽西引鳧墩偃仰怙恃有如子孫解一鳧

墩之容溫懿無阨軫父之疴誰揄鳧里解二白楊

鏘々矯若龍翔仰天一呼烈石飛霜解三實毒我

父寧知我股盡血濺々以淪以釜解四父曰予膏

歿此餽羨殆其有瘳欵如已醒解五稚笋之薦江

魚之膳昔聞太史今茲匪謂解六荆蜀之鄉爰有

東坡集 卷之五
銅梁篤是異人刑我有邦七解

黃鵠篇贈羅封君就養還萬安

君不見黃鵠飄遙下太清
天風接引銅臺城
仙雛啣羽遠相慰
嘯舞不覺烟雲輕
玉珮瑤鏘何所致
禁之上刻瑤華字
歸時持贈與盧敖
萬里螺川恣遊戲

相逢行

黎陽臨大道城北達城南
相逢問令尹不盡使君驂
雪霽椿枝綠春融萱草酣
荀何千載後獨

此一清瞻

胡鷹渡海來篇

鬱律山上雲飄遙雲間葉落尚有返雲去
杳難涉胡鷹渡海來將雛還飛去我欲因之執此鳥
徘徊流涕不忍顧長跪折矢一語可方客子周游情
同此傷天老介嘏父母在幃雜珮繒錦玳瑁珠璣杖屨
陟降窺秦桃源仙姿玉度竦何能言陰符書設鬼神呵
守至道不勝苔滋蝨虬虞皇歷阪文后岐阮永錫爾類揚
名中州

閻闔篇

春日照城隅佳氣紛朱邸宮女三千人雲光晃
羅綺且卷珠簾開直待雲車迴玉簫吹行雲飛
下瓊瑤臺瓊瑤臺畔仙妃舞鳳鳥唱歌龍袍鼓
天風渺渺動朱衣天女乘春散花雨綠萼花前
細草茵玉階鎖斷金麒麟明朝騎爾朝上帝壽
我四萬八千春

五言排律

甲辰歲張昶伯鄮西如覲京師其世太夫

人出中饋給囚因感激述懷作五十韻
以謝

鳳曆開皇紀龍池憶紫烟青陽調玉燭白日轉
幽天河朔風雲會漳涯氣概先諸公梁苑客明
府漢庭銓沈宗金章藉陰何玉轡聯衣冠連日
表精爽動星躔各應非熊兆同操哲匠權文翁
兼化蜀郭隗始登燕五馬襄城野雙旌霸水涎
夾輪雙鹿擾上漢一樣縣忠獎惟王室金泥受
帝宣吳公才第一賈誼席應前鄴善何無爾河

源即有馬疏名勒玉藻歸苑撤金蓮虎變谷風
起鶯鳴喬木遷那微文伯母誰產范滂賢黃鳥
空玄理閔睢德化全肅雍元啓徂聖善摠承乾
壺臬慈文表襟裾風紀緣大家新著作劉向舊
名編雨露含濡遠江河流澤偏吹噓延朽腐哀
痛及顛連粉署琅玕碧天牢桂玉鮮八珍真麋
鑿五醢更駢闐麩麥赤城外杯羹玄圃邊春盤
行荏苒曲機坐連翩眉睫光初潤膏肓病即痊
尚方虛擬賜陰室兢相憐小步嬰金鐵楊眉媿

拘攣及願群僮側染指竭夫筵坎廩心仍切低
回腹稍便循牆如喪狗冤頸似饑鳶慷慨期投
壁呻吟尚縮肩槍嘯北向拜遥祝西華年少假
恩猶乳翻思淚下泉二靈忘伏臘兩稚飽鷹鷂
丘壠哀新鬼圖書鎖廢廬干戈嘗膽苦衰颯
臍眠故國孤魂杳他鄉白髮牽妻負嫌再醮女
大恠施鉛放大因無食挑針作覓錢塵埋蒼兕
劍蠹篆白髻氈氈釜從蛛網幃幃或馬羈鬼神
泣簡牘妖孽戲花鈿壯志浮雲去灰心苦蘗煎

東坡集 卷之五
敢辭先菌聽為恨失騰騫雷雨龍門別風霾虎
脊捐徽纏多窘東榜楚替述遭百轉傷心曲三
年似禍悛傾危希造化早晚謝陶甄

暮秋承華主簿竹川饋飯奉謝凡三十五

韻

衛上清秋暮寰中氛氣妙草湮康村國沙沒禹
玉河瘠土分常貢蒼生病歲儼輓應梁地麥畚
浸漢江波盜賊緣邊罷喧呼動且因濟南鍾雋
傑河北待絃歌斷鵠揮虹劍揚兵就海鼉黑山

戎破膽白馬將橫戈山鳥行廳事芳顏藉酒醅
圖書盤海岱詞賦入牂牁荒阪時鳴驥黃庭或
換鴛鴦傳驄馬客舊聽鳳凰珂敏察周窮儼殷
憂達隱訛憐才無近遠覆業惠征科中饋人間
出殊恩天上過金城酥比練翠釜鱠兼和劑吻
愁玄豹摧峰掣紫駝秋深沙苑菟霜落洞庭鮪
細膩殷紅玉芳蕤淨碧莎那能雙玉筴祗辱綏
金陀小食歆三臯迴思感萬疴嚴庭風感烈幽
壘日蹉跎繫鴈窺前浦啼鳥想故柯通宵從鼯

鼠入夜戲天魔燥髮紛難解胼肌屬可摩永懷
天吏仗拭淚使星軻海運虛垂翅雲身早見羅
襴衡愁正苦阮籍醉如何歲暮誰堪健風塵鬢
欲皤凌虛疑海嶠曳履想岷峨謬望舒州錫不
成彭蠡叢青雲思桂樹春月罷松羅猿鶴三年
夢琴樽一夕俄明公寬節制兩露得滂沱犬馬
如留蔭神光報泰阿

七言排律

酬華大餽飯

班固大家能著作口士生機英妙負文雄兩都賦有
凌雲氣擬古詩高口代風馳馬早延通籍譽才
華應見古人同燕王口臺館愁鄒衍晉室衣冠有
阿戎書豈萬言天險峻飯傳一飽畏途窮世經
豺虎催頭白路難驛口灑血紅西哭幾湮秦帝
關南冠虛憶楚江楓投君劍氣不得死猶倚崆
峒百丈虹

五言律詩

山居

東坡集 卷之五
懶慢無人地經時景不違貪飴魚暗動掠水燕
爭飛搗藥雲春碓移花露濕衣山陽幽適好日
暮澹忘歸

浮丘院壁

洞口春雲薄桃花一水香金壇凝夜漏玉盃出
瓊漿河上仙人遠洲中紫氣翔何當着雙鳥為
覓費長房

大名故城

魏郡遺空壘蒼蒼接水湄鴈衝斜鳥陣柳拂捲
龍旂樓閣青雲恨陂澹白日悲北門無鎖綸腸
斷立郊垂

過邯鄲作

趙庭虛廟畧雄長竟誰名國破歸秦帝城亡插
漢旌山河猶壯麗豪俠失縱橫回首傷心地春
林轉暮鶯

送友人入秦二首

春日催行憶花明旅鴈還燕陵青嶂外秦樹白
雲邊解劍酬知己傾尊倚別筵關河他日望芳

草思芊芊

又

整轡東辭闕還家西入秦雲烟三晉合風雲二
陵頻鳥道斜連漢龍山暗度春壯遊看寶劍萬
里蜀妖塵

上張鄧西明府三首

燕關寒日薄漳曲早冰澌白髮親闈暮青春子
病危般憂聞鼓角想像見旌旗遙識齊王相能
憐越石悲

又

刀斗催嚴暑秋風蘓肺肝冤魂幽共語魑魅喜
相看丞相何多畏將軍久失餐金雞應有詔衰
謝一時寬

又

御史清霜鉞危腸結禍胎敢辭豺虎飼無異大
羊材魏闕書難上秦庭哭未回條風吹北極天
意起寒灰

喜得釋獄消息

聞道真州信霜臺霽夕威春陽元自動草木已
含輝妻子愁看
在鄉關喜不違
遣心翻太惡
俛首涕霑衣

即事

薄暮轉蕭瑟經心常苦悲驚枝鳥不定斜領月
生遲冥思空林藪春雲時蔽虧謬言隨偃蹇不
敢畏支離

戲寄孟龍川

舊日浮丘伯曾將王子喬周遊乘白鶴接引上

青霄大藥留丹鼎天台度石橋不知千載後為
爾一相邀

送張壚山還蜀

朝思蜀草綠夜見漢鴻飛溪縣青春滿山闌紫
氣圍飲餘看寶劍歌罷弄金徽別去應相憶銅
梁音信稀

喜還舊業草堂

漢節雲間住秋風送我還荷恩思聖主悔難自
皇天臺沼看今日松筠去幾年草玄吾未老應

許萬人傳

登天臺山有感兼呈張壚山

天風吹斷壑秋色渺荒臺浩蕩江河去蒼茫日
月迴傷心經絕險回首起重隈欲盡登高興慚
余作賦才

眼闕口號上張鄧西明府兼呈吳少槐吏

部李東岡翰林二首

際會驚何代支離過此生親官無宿草子位遠
含情未敢衣純綵誰能動失聲七年當此夕天

地忽頽傾

又

獄久年三換刑深鬢二毛愁淹天畔日淚作海
門濤寸草傷春碧慈烏近夜號感時思雨露回
首望旌旄

聞吳吏部少槐哀僕乏嗣飭內入獄侍湯

藥四首

必子彈琴日山濤謫宦時澤梁弛禁網鰥寡遂
恩私未識洪鈞妙應霑造物奇周南王化遠終

不負蝨斯

又

落日低荒戍天風鎖禁庭正愁秋隴斷誰啓夜
臺扁宜母苗堪摘王孫草尚青使君佇高駕引
領濕長纓

又

天豈蒼々色川仍脉々流乾坤一物在日月此
生浮嚴考曾無壘哀殤已故丘何心望河漢牛
女度清秋

又

晋室粘巾散陳留蔡議郎彈琴神不去續史恨
何長慘淡悲千古淒其滯此方翻思兒女意斷
盡九迴腸

冬夜遣悶三首呈吳少槐吏部

翳氣浮銅柱霜威折玉衡愁看蟾影沒病與
魂清辭賦憎關世存亡憶結纓鄰楊書再上愈
覺寸心傾

又

芾：梧桐影紛：荆棘墻徐看侵鉄鎖不必落
銀牀物色渾如此吾生可共傷那看聞玉笛風
力更清商

又

鐘鼓何相報謹呼促警齊仗嚴防落月杵罷淨
鳴雞計過起踈濶才輕敢怨攜漢庭循吏在何
必嘆羈樓

哭董縣丞紳

丞彊幹任事清苦厲節有古人風壬寅歲長

揖恤刑沈法曹抗救洗寃於柵居甚今茲長
往柵安得不悲故詩以哭之

十月黃河穩天寒素舸孤斷雲低不去哀鴈起
相呼忽暗郎官宿虛傳太史鳧哭君重回首愁
色滿蒼梧

又

列郡開方藥嚴墻阻別離蒼生猶有待逝者竟
如斯老去傷心地愁邊失望時玉棺誰為殮蕭
瑟九原思

又

哀挽宜陽路，銘旌汴水風。
青驪傳海上，白鶴果遼東。
抗救邀天使，鈞裁秉帝衷。
愚民痛一哭，雪涕灑寒空。

初月

雪霽樓空夕，寒輕月欲明。
素魂升海上，殘魄傍人清。
桂樹春應發，蟾蜍夜自生。
傷心望牛斗，流恨滿山城。

示外弟陳可

阮籍何窮執，陳生已著鞭。
翔鷹秋始健，宛馬血方妍。
不負儒林傳，寧充弟子員。
五車如破的，萬里看騰騫。

送劉少尹赴興州經歷三首

宸極霑仙籍，雙鳧別尚方。
何如魏賓客，不減漢循良。
大府宜方器，牙門足薦章。
材高豈伏櫪，萬里見乘黃。

六

潘岳花封宰，陳琳將幕材。
檄文傳萬壘，列宿見

三台悵望薊門路深懷河朔杯君王求駿骨待
詔上燕臺

又

大府元戎騎長驅引萬群共迎劉記室喜得郗
參軍燕月排弓影胡霜綴鎧文知君閑廟畧一
嘯洒天氛

秋夜奉懷王鳳洲比部

獨坐秋城夜長歌憶鳳遊帝鄉臨紫浦仙吹下
炎洲早食琪玕樹西巢雲綺樓無緣近苞彩慰

此別離憂

寄上徐龍灣比部

相思木葉落迢遞起重哀瀚海雲初斷盧龍秋
正來慙無國士報獨憶鳳城隈坐令生華髮臨
風一痛哉

贈王少府封君水亭

長嘯下江閣披襟即水亭魚龍淨秋浪舟楫倚
寒汀且失干戈苦還依社稷靈夜來看紫氣光
滿少微星

贈王龍池別駕

晋石分青嶂龍池抱紫臺秋風動鱗甲白日發
雲雷太液濤休險昆明勢欲迴何當洗兵馬萬
里絕氛埃

夏日同王大伾董右坡張壚山陸夢洲孟

龍川登大伾山覽黃河故道得温字

五月隨仙鳥凌風勢欲騫却思乘海鶴翻憶聽
秋猿石樹穿雲冷巖花散酒温大河猶在眼何
必問崑崙

西巖

西巖雙栢樹猶自倚青壇舊識洪河險曾經大
壑寒龍鱗剥雷雨鵲榦瀉風湍回首思梁棟還
驚際會難

題楊太尉揮金幅幃

歎憶關西老揮金氣尚竒江河流浩瀚天地眇
端倪諫草危時恨亭皋絕代悲由来圖繪意不
盡史臣辭

畫葡萄

漢使尋源後蒲萄滿舊宮如何尺素裏枝葉往
時同瀼露啣空碧搏烟射小紅誰能貯萬斛遠
寄日華東

贈謝山人四溟

春桂綠華滋芬芳合待時君今餌玉葉聊以駐
仙姿擬著三湘賦深題五嶽詩相期共方眼為
覓葛洪陂

遊成皋王城南園見水石漁艇

不作江南客空餘江上山水同明月靜石似白

鷗閒仙徑松蘿外漁舟蘆荻間相看渾忘却無
復住人寰

七言律詩

出塞

城門伐鼓日欲墮西山返照入平蕪玉關秋動
氣橫塞交河霜冷夜愁胡健兒風吹白豹韞將
軍雪壓金僕姑晝傳羽檄連雲戍夜發精兵到
海隅

慈壽宮

漢宮羅列倚雲霄
鳳翥龍飛積翠遙
東矚扶桑延日觀
西連雪嶺入寒宵
皇輿拜舞臨黃道
仙仗繽紛覲紫朝
諸將謾勞繁鼓角
至尊今已奏蕭韶

浮丘精舍

衛河東岬浮丘高
竹舍雲君隱鳳毛
遂有文章驚董賈
豈無名譽駕劉曹
秋天散步青山郭
春日催詩白兔毫
醉倚湛盧時一嘯
長風萬里破洪濤

書長春觀二首

萬里天風海水高三山不動駕群螭
青霄漠漠聞鸞嘯
白日翩翩見鶴翱
巖下瓊漿留剗村
山中瑤草寄盧敖
懷紆金紫人間事
日吹笙對碧桃

又

天門日出海雲蒸
碧殿霞綃山氣層
羸女吹簫乘夜月
茅君騎鶴下秋燈
金莖玉露生翠髮
紫極丹書接上昇
緱氏山頭一揮手
樂觀滄海變

嶺嶺

贈李金吾口號

漢家飛將李將軍三十承恩淨虜氛
馬蹀金微橫翔氣箭傳青海動燕雲
陰風漫捲賢王陣大雪長驅突厥群
未信封侯縣鵲印已頒新使煥龍文

七夕

去年七夕登浮丘今年七夕客燕州
仙槎獨憶銀河水桂樹誰看玉露秋
葉下井杼驚別淚蟲

吟花檻送深愁半生自信庾開府
懷抱于今賦遠游

挽楊六坡推府

草閣談玄不復聞山陽鍛後涕交紛
十年辭藻漢京事萬里鄉關秦塞雲
尹喜傳經空汝待王喬飛鳥竟誰群
荒墳靜鎖仵山林日暮遙悲渭水紋

六坡閨右人好丹液術客死於瀆

除夜寓大名寄孟龍川

忽憶襄陽孟浩然風流名與太湖連
沙村遠近

青春酒山舍週迴白石田何處樹花能媚頌他
鄉綵勝舞隨遙思君獨步清漳曲咄咄書空只
書眠

古意

漢苑春繁鎖縹紗銀窓嬌小護仙葩朝雲裊裊
行清曉落月娟娟見玉華湘女漫彈瑤瑟怨天
孫虛憶紫烟槎使君五馬何軒豁佇望郊端柘
影斜

贈關中陳一泉廣文二首

漢輔金墉百二關千秋正氣鎖南山忠良苦憶
蕭陳侶豪俊還生涇渭間會有文星通帝座豈
愁仙履綴鸚班春宮首藉何辭長鳳陞圭璋可
待攀

又

魏闕恩光落上台龍門賓客會群材太玄無媿
侯巴誦九辨何勞宋玉哀江漢秋容松葉澹官
墻春雨杏花開明時擬有石渠詔翰苑驚看補
袞才

憶昔寄錢同野弟

憶昔讀書住石城青山對落兩山橫江潭夜傍
魚龍宿軒牖晨看日月生多病浸淫漢司馬著
書憂惜趙虞卿匡廬舊約空回首腸斷清宵淚
濕纓

宿沙口贈王北沙二律

谷口寒雲擁北沙柴門深鎖待春華楚騷自合
千人誦漢水猶縣八月槎賈誼匡君頻痛哭楊
雄識字著名家相逢魏戍垂雙髻潦倒青罇海

日斜

又

魏郡西連沙口原故人高卧倚晴軒黃雞碧酒
須多事楚夢吳歛可細論豺虎空村當落日魚
龍入夜湯孤翻自愁騎馬衝寒塞古木蕭森起
斷猿

九日奉懷謝四溟逸人兼酬往日見寄之

作

鄴中辭客古今才千里秋深蒺藜興哀陶令行藏

只盡醉盃嘉容止獨清裁山莫細一團風裏園
菊亭、滯雨開白首思君何處望烟雲苦憶魏
三臺

奉和王天任侍御題周紫泉東山草堂二

律

石壁嶢巖一徑幽湯隨杖屨訪林丘嵇康不負
山陽隱謝傅能忘淝水籌日落滄洲時佇望天
寒桂樹且淹留徵書旦暮馳秋隴擬取高名別
代收

又

海門秋動青壇麓天畔風高白草堂太傅松楸
高下見繡衣旌節徃來常窺軒細篠娟娟碧葢
壁孤雲裊裊長薄暮翠微歸興瀨雙隨流水一
揮觴

震岡集留別

城闕秋還白露清十年懷抱與君傾彈琴細憶
嵇中散痛哭猶憐阮步兵絕巘松枝元自峻經
時花蕊為誰明開罇莫負中宵賞別去愁看銀

漢橫

秋日懷錢同野

象魏獨憐秋氣清
苦垂寬頸且長纓
背巢寒鳥經年別
出塞浮雲盡日橫
鮑叔衣冠頻悵望
禰衡詞賦已吞聲
滄洲憶汝傷心極
坐嘯驚看白髮生

送林越山庶文之石城尹二首

粵海炎洲氣未疎
高涼快爽此安居
蔡彤有待殊方詔
虞詡終收太史書
茂嶺秋深纒見鴈
廉

江水緩自生
魚慎時努力
加餐飯
返浦看乘白鷺車

又

漢節遙分南海邊
天風獵獵擁樓船
蒼梧雲盡山如戟
合浦春回樹若烟
占歲豈應緣戍日
兢歌何用勝于闐
遐陬亦是藩王地
賴爾文翁治化賢

贈徐少尹

岵嶠中山插
泰清
斷巖西影下
層城
彈琴不去

人吏散岸幘何勞官長迎
縣竹土風今變態黑
山盜賊敢橫行
樗材慙愧河陽賦
坐起青霄望
弁纓

赴理大名道中感李有池惠粟之作

關塞遙憐霜露清
燕雲漠漠鎖層城
鄆陽不盡
十年淚鮑射猶深
萬古情秋水魚龍
休悵望春風
鶯雀賴生成
酬恩欲擬愁難賦
坐嘆空垂白髮莖

聞比部李滄溟出守順德書此寄上

漢署仙郎何處求
高旌知駐古邢州
漁陽久待張君
湫河內爭迎郭細
侯舊日石門曾
拒壘此時銅馬莫
輕謀畏途遠附青
雲翼慷慨長嗟寄
壯遊

立春前夜宴張壚山明府宅

城柝傳聞客子夕
清罇一發便宜人
巴江水汎雲邊臘
壚嶽天開雪後春
避地衣冠從嬾慢
驚時花鳥自逡巡
愧知張翰留顏色
擬許盧敖隱釣綸

醉後射魚宿羅山人草堂

南射滄溟十丈魚碧潭
搖影動清虛太行遠望
仙人嶂淇水斜臨高士
居曉傍楓巖留客飯夜
歸蘿徑即吾廬何時共
策清藜杖為覓中山白
鹿車

觀妓即席走筆

楚女東隣未是過秋來
休似隔銀河香鬟小學
平陽舞艷曲低翻子夜
歎弄日鴛鴦窺綺幔偷
春蛺蝶趁花羅大堤此
夕堪腸斷回首猶憐遊

水波

舊黃河道中有懷張壚山明府

黃河渡口舊飛湍白馬
東連瓠子灘夏后山川
餘斷石漢皇巡幸咽回
鑿寒沙滾滾魚龍動晚
日蕭蕭鴈鶩乾慨古思
君易搖落秋風更送紫
駟鞍

贈羅月巖推府迎侍還萬安二首

漢京仙客知名早佐郡
驚看漳水瀆南楚花明
菜子眼西山樹送狄公
雲高秋大澤龍蛇隱落

日寒江鼓角聞最是少微干象緯天風先報洞
庭君

又

燕塞霜空萬木摧楚鄉烟淨錦帆回洲如白鷺
天邊落山似青螺海上來孫晷蘭輿元水國曹
家仙賦在銅臺南雲北渚休相憶紫誥金泥次
第開

春晚將還舊業諸公送遠歎方水雲以病
不至作此留別

青春載酒尋君處君病春殘我亦回背葉流鶯
愁對語梢泥乳燕怯飛迴烟雲莽々高歡壘日
月荒々魏武臺醉裏劍歌時自放白頭還望轉
堪哀

登南城樓有感兼懷荀前川

獨上高樓四望明海天愁色起縱橫黃雲不斷
飛狐塞殺氣遙連偃月城未訝健兒能陷虜早
聞白羽尚徵兵封侯知有荀公達好向中朝事
請纓

五言絕句

山雨五首

日落石窓時
林花起幽色
不敢窺蛟龍
雨渾潭影黑

又

朝看山作雲
暮看山作雨
幽人期不來
踟躕望江樹

又

秋水作鳴濤
瀉入秋山下
大石橫絕梁
小石流

空野

又

峽雨晝不絕
暝烟沉孤嶂
徘徊山中人
苔蘚生衣上

又

門前黃岡陂
能長青瑯玕
夜來溪雨惡
流作白石灘

示從弟橋三首

鴻鴈隔春水
鵲鷓宿淺沙
翻飛共遲暮
終爾棲

雲雨段

又

吾家白玉樹璀璨已橫枝儘可參霄漢莫教傷
別離

又

莫向蒼山宿蒼山古木橫風動連枝影淒其傷

爾情

寄高貞庵明府二首

隴水鳴幽咽隴山不可攀何緣牽夢到夜々繞

去來關

又

隴坻千萬里悵望使人迷願作青鸚鵡能言向

隴西

七言絕句

別冀康川進士口號

秋風七月動燕關雲散金臺遊子還欲上高樓
重愁思海濤東望阻天山

長春觀二首

瀛海青雲見帝丘
玉光浮動五城樓
茅君借我山中鶴
飛上天門看九州

又

紫極清壇道士家
閑騎白鹿弄雲霞
蕭臺旂旄金光草
春殿虛無玉樹花

青樓詞

百尺高樓掛彩烟
錦箏銀甲亂哀絃
夕陽欲下簾深捲
望見西江萬里船

雲中曲八首

將軍羽箭射天山
閃日旌旗出漢關
夜月欲開青海嶂
秋風先到白龍灣

又

燕岱河山黑水分
胡沙北望接氤氳
秦塞乾斜映龍山
月碣石遙通魚海雲

又

元戎幕府倚天開
將校星躔四下迴
漢壘天成標漢旆
雲州日轉作雲臺

又

高關塞頭殺氣橫居延川內少人行黃沙欲沒
李陵墓明月長懸蘇武城

又

半夜飛書報建章交河新駐左賢王即今驍騎
屯榆塞便發元戎出定襄

又

大將遙分西顧憂魚腸寶劍雪花流陰風漫捲
賢王陣白盡曾縣克汗頭

又

黃鬚羽帽破烏桓丈八蛇矛血未乾胡馬盡歸
元帥幕蕃刀贈與故人看

又

白馬青裘海上来自言家住古秦淮封侯未遂
為人下沙漠橫行恐見猜

戲贈于山泉

楚王宮殿鎖寒暉瑤草金花匝四圍十二巫山
覓不見滿天雲雨濕儂衣

贈衛川居士

錦齋集 卷之五
衛川南望多白雲滄洲落葉各紛紛何時咲入
烟霞去醉裏常隨麋鹿群

送王盱山還保定

君去青山挹紫氛我亦南還弄彩雲相逢美酒
不成醉別處空憐落鴈群

秋興漫成六絕句

壁峭江深雲物明沙村秋氣轉初清出門散着
雙蓬髻醉舞酣歌太放情

又

天外晴山色不移苑邊衰柳駐遊絲沙平細履
無人見恰似青春二月時

又

絕巘寒藤垂古月秋江過雨濕仙花柴門幽興
尤堪賞徧遣銀壺賒酒家

又

當堦松樹何楚楚黥葉蒼枝已傲霜要須見汝
作梁棟桃李春花休擅場

又

柴門反鎖對秋城獨樹花開眼自明但使濁醪
常醉汝向來車馬不須迎

又

買茅藉宇非無地簷簷花澗石錯相鮮西隣野老
憐疎放數借風亭涼處眠

衛河漲二首

河隍東望似東洋簸蕩中流日月光漁子舟人
頻顧盼恰如五月下瞿塘

又

瓠子煙波橫九灘淇園蒼竹斬千竿何如此日
風濤惡灑雪衝飈作海湍

寄孟龍川絕句

燕郊二月起秋霜地振山傾薄日光吁嗟風雲
那有此黃金臺下斷人腸

西山集宴

山作屏風襟錦苔鳳笙龍管遙相催若非緱氏
山頭飲擬有仙人海上來
對甚呈吳少槐吏部

漢法終憐天地寬
楚囚何恨歲時難
肯教細柳隨霜死
願借春光及暮寒

獄夜

城頭烏雀飛欲棲
樓上馬聲四下齊
一夜霜風吹不盡
滿庭愁色使人迷

聞華從化誦李中麓樂府詞有憶寄上四

首

漢庭協律按新聲
曲度梅花散月明
拂拭青天垂手舞
相思遙寄鳳凰城

又

鼻倩西辭金馬門
酣歌特地引芳樽
海上長謠

王母宴人間
謫得歲星魂

又

東望山東中麓山
赤城霞送主人還
忽聞醉裏松風曲
恰似劉伶善閉關

又

麟閣虛傳身後名
琴臺貫酒自須傾
庭沓結風成楚舞
款啗綠水勝秦聲

謝華竹川酒肴二首

淮陰市頭惡少喧騰下之辱詎可言漂母屢出
金盤食白沙綠水哀王孫

又

燕國舊飲金盤露章丘今見玉壺春烟霞去住
不相似笑殺中山賣酒人

宿沙河值雪同蔡百戶作此

南雲漠漠鎖天荒北雪連連暗北堂日暮角聲
吹出塞沙河愁殺蔡中郎

丁未夢中遊王西軒園作是歲十一月二

十日獄吏譚遵令獄卒蔡賢答柵數百
謀以土囊壓殺之官覺之免

秋日園林一轉過桃花點點鎖空蘿歌聲湯逐
浮雲去不覺霜風西鬢多

憶內

蘇武霜旌辭漢關李陵沙漠去無還舊時亦有
金閨淚何似今朝爾別顏

贈內二首

蘇武匈奴十九年相思知在海雲邊上林鴻鴈
啣尺素寄汝秋風玉塞前

又

君身似是杞梁妻玉貌絨情只自啼絕時哭到
梁山月携手青雲入會稽

內寄衣

吳江白紵雪絲裙不惜春芳細艸薰玉手裁縫
誰得見金刀一剪斷行雲

與張山人雲谷對飲言別

海上曾留赤玉鳥山中今見紫霞危相逢輒爾
各飛去颯天風駕彩螭

代邊騎

驛弓貫臂箭橫腰慣射山陰雪後鷗欲假金笳
鳴出塞不知誰是漢驃姚

訪海月上人不遇

錫杖到來知幾日天花落盡鎖春山柴門流水
不相顧漠漠烟雲送我還

蠶蠟集卷之五

五

蠶蠟集卷之五終



